

Invitacion special pa tur artista, amantenan di teatro, publico general



ORANJESTAD – Manera ta ser conoci, dia 27 di maart a ser declara pa e Instituto Internacional Di Teatro. Unda numeroso manifestacion artistico ta ser organisa rond mundo, relaciona cu e fecha aki.

Aruba ta parti di e mundo aki, aunke nos ta insola den e Caribe, por lo menos nos comunidad sa di kico esaki ta trata, aunke ta ser pensa cu e genero “comedia” ta e unico genero cu ta cubri nos imaginario y ta desconoci e gran gama di genero cu ta conforma e artenan escenico.

Nos tin hopi prioridad educacional den tur tereno cultural, mas den e fronteranan cu por existi entre folklore y arte, entre arte y artesanía, entre hobby y profesion y den tur confusion aki, nos a desaroya un clima cultural ausente di oportunidadnan pa creacion.

Art Rap Foundation, conhuntamente cu Cas di Cultura

Aruba a tuma e iniciativa di lanta bek e espirito y pasion pa e genero teatral. E idea ta pa sigui uni mas y mas e personanan talentoso manera bo persona den e aventura magico y maravioso aki.

Ta p’esey bo ta cordialmente invita pa bin celebra hunto cu nos e fecha memorabel aki.

Riba dialuna 27 de Maart cuminsando for di 5:00 pm te cu 7:00 pm na Cas di Cultura, na unda nos lo tin un encuentro di creadorinan di tur disciplina artistico. E idea di e encuentro aki ta pa relaciona nos mes, intercambia ideanan, busca conexion y encamina posibel proyectonan den cooperacion den un futuro cercano.

Pa 7:10 pm - 7:20 pm nos lo presenta e performance: “The understanding of an artist, applying to a Fund” 7:30 pm. Estreno: “Diaranson Anochi” creacion colectiva di artistanan local. E entrada ta pa Publico ADULTO. 18+ cu’n Contribucion di Afl. 15

“Entre haci y no haci semper mester eligi pa haci. Si nos ta haci nada, nos ta frustra nos mes pa henter nos bida. Si nos ta haci algo y nos ta ekivoca, nos ta keda cu e experiencia”.

Nominadonan aña deportivo 2016

